

書名 西湖遊覽志二十四卷 嘉靖二十六年序刊萬曆十二年序江陰范鳴謙修本
撰者 明 田汝成 撰
卷 卷四
內容分類 史·地理·名勝·浙江
索書號 倉石20405
編號 2037500

卷四

彩色首頁1

[東洋文化研究所漢籍目錄](#) 編號: 2037500

[東洋文化研究所漢籍目錄所藏漢籍善本全文影像資料庫](#) 索書號: 倉石20405

[漢籍善本全文影像資料庫](#) 文本 [西湖遊覽志二十四卷](#) 嘉靖二十六年序刊萬曆十二年序江陰范鳴謙修本

版權所有: [東京大學](#) [東洋文化研究所](#)
使用上的注意事項

西湖遊覽志第一卷

西湖總叙

西湖故明聖湖也周繞三十里三面環山谿谷縷注
下有淵泉百道瀦而為湖漢時金牛見湖中人言明
之瑞遂稱明聖湖以其介于錢唐也又稱錢唐湖
其稱委于下湖也又稱上湖以其負郭而西也故
云西湖諸山之脉皆宗天目天目西去府治
十里高三千九百丈周廣五百五十里蜿蜒
深拔峭舒岡布麓若翔若舞萃于錢唐而嶺

錢唐田 汝成 輯撰

0 1 2 3 4 5 6 7 8 9 10

元百六十一

兩湖遊覽志


自四
至七


樂

元百六十二

兩湖遊覽志

自四
至七





西湖覽志第四卷

南山勝蹟

自太子灣而西為王岑山其對為赤山惠因澗惠因講寺



錢唐田汝成輯撰

王岑山相傳其山產王故潤媚異常孤峰秀拔層巒繚繞中有古木倒植森翠凌冬崕上王岑二字許采書山門王岑宋理宗書也

赤山其土赤埴故名由湖而陔此者近定香橋為赤山埠其水曲為浴鵝灣張伯雨構水軒于此

劉邦彥詩浴鵲灣頭春水呼猿洞口晴雲漁歌
欸欸互答樵唱悠悠獨聞又詩春水初生浴鵲
灣篋樓高枕對青山鳥聲啼足忽飛去門掩綠
陰清晝閒自此而南過大慈山出江干商旅不
絕宋有牛羊滌宮在焉張輿詩急雨斜風吹客
衣赤山埠頭人渡稀欲行不行徒步遲六橋新
水漲平堤雲松冥冥曲徑迷採蓮舟傍綠荷歸
欸乃一聲天欲暝隔花驚起鷺鷥飛

惠因澗出自赤山經惠因寺前以入湖有蛟居澗
中故洞口鑄鐵為牕櫺嵌石以拒之高數尺因

名鐵牕櫺洞

惠因寺後唐天成二年吳越王建宋元豐八年高
麗國王子僧統義天入貢因請淨源法師學賢
首教元祐二年以金書漢譯華嚴經二百部入
寺施金建華嚴大閣藏塔以崇之元祐四年統
義天以祭奠淨源為名兼進金塔二所適蘇子
瞻守杭上疏云自熙寧來高麗屢入朝貢兩浙
騷然皆因奸民徐戩等交通誘引妄談庸僧淨
源通曉佛法以致義天羨慕來朝從源講解淨
源既死其徒復持真影舍利違禁過海以致義

天差人祭奠兼進金塔探瞰朝廷受之則以貪
示外夷計構紛然朝貢踵接夷使所至圖畫山
川購買書籍不惟中國受疲而邊防亦疎乞却
金塔勿受絕其來意神宗從之寧宗書華嚴經
閣理宗書易庵元延祐四年高麗潘王奉詔進
香繙經于此至正末燬國初重葺俗稱高麗
寺礎石精工藏輪宏偉兩山所無

赤山左右舊有廣果寺開化尼寺法興寺保福院
永慶院真如院淨梵院崇教院寶林院廣法院
修吉寺正濟寺法雨寺安福尼寺極樂尼寺定

光庵凝神庵並廢○廣果寺在惠因橋北錢王
建紹興初漕司試兩浙士于惠因寺以廣果爲
別試院有虛悅樓鳳二軒○開化尼寺慧知建
○法興寺舊名法明○保福院在長耳巷舊名
寶慶錢王建有玉醴泉○真如院貞觀初建○
淨梵院舊名瑞峰寶林院錢王建有可賦軒○
廣法院內有清曠亭○修吉寺舊名瑞龍爲郭
夏李韓四皇后攢宮○法雨寺舊名水心續改
雲龍大中祥符賜額○安福尼寺尼晉隆建○
極樂尼寺尼德勤建○定光庵在法相寺西有

泉盤瀑飛洒濺沫如珠雖旱不竭名定光泉○
凝神庵蒲衣道士張達道所居高宗嘗賜白羽
扇至元猶存薩天錫詩晴日赤由湖水明湖中
山影一眉青蒲衣道士無人識羽扇年多落鳳
翎

惠因寺而北爲法相律寺六通律寺管箕泉

法相律寺俗稱長耳相後唐時有高僧行修號法
真年十三進具通於諸方得法於雲峰存公坐
有異相耳長九寸上過于頂下可結頤號長耳
和尚天成二年自天台國清寒巖遊錢唐吳越

王待以賓禮居相法院乾祐四年跌逝高足漆
其真身存焉寺內有錫杖泉劉士亨賀法相寺
海納庵上人詩湖上招提信少雙翠微樓閣白
雲牕耳聞古佛遺真像眼見高僧豎大幢衲挂
紫藤驚鼠竄鉢分滄海毒龍降懷香欲叩毘尼
藏寸筵臨鐘不易撞

六通律寺舊名六通慈德院吳越王建有辟塵爐
非木非石扣之鏗然纖塵不染

管箕泉出赤山之陰合于惠因澗元時有黃子久
公望者號大癡卜居泉上子父善畫有山水訣

傳于世

赤山之北爲三台山于肅愍公墓

于公名謙字廷益錢唐人英廟北狩時公以兵部尚書任國事外攘內撫有社稷功英廟復辟奸臣石亨徐有貞等忌譖之誣公不軌竟以寃死其子冕奉塋于此成化二年廷議始白上遣行人馬瞻諭祭之其詞略曰當國家之多難保社稷以無虞惟公道以自持爲權姦之所害在先帝已知其枉而朕心實憐其忠弘治七年賜諡曰肅愍建祠曰旌功鄭繼之詩太傳出南

方眉宇天人表曩在英廟朝謹論多了了三

邊正統末胡羯日俶擾先皇巡朔方虜騎伏

潢沼黃雲阨塞垣僊仗迷周道法駕一蒙塵作

意索金寶京城旣搖動和議雜紛縹公時贊戎

機決策截瀾倒告廟定儲君誓衆守陞堡耀兵

向陰山真欲舉征討居庸扼咽喉鐵馬豈得搗

坐令虜計窮食盡師遂老翠華果全懸黃屋免

再造雖重獲罪戾社稷功非小功高反殺身於

古亦嘗踰固由天威赫寔爲青蠅媯天日終輝

輝卽見是非瞭神衷啓后聖殊錫達幽眇憶

臨

晉靖康亂謀國何草草堂堂宋諸良唯唯遵和好甘心拜犬羊所以至絕島直書在史氏公節須皦皦

三台山之前為栗山八盤嶺周真人墓

周真人思得仁和人精五雷法揣測休咎輒驗

皇嗣永樂初召試嘉獎建天將廟居之扈從北

征累著勞績歷事 仁廟 宣廟 英廟寵賚

特厚景泰改元懇乞還山年九十三卒計闡道

行人許箎諭祭贈號真人勅葬于此

自三台山而北為小麥嶺東嶽行宮靈應廟永福橋

小麥嶺其地宜麥故名西有支徑可通大麥嶺蓋

積慶山之陂陁迤邐者

東嶽行宮宋咸淳中建以奉泰山之神

靈應廟其神蔣通質直孝親紹興十一年七月坐

化桐木下時騰曦熾烈七日如生累見靈異境

內賴之事聞詔為立廟崇祀

永福橋俗稱飲馬橋吳越宋時皆牧馬于此

嶺畔舊有旌德顯慶寺靈隱觀太清宮淨林廣福

院冰壑書堂替寧塔梅坡園並廢○旌德顯慶

寺宋慈明太后香火賜田三千畝後山泉石甚

竒有雲扉軒清壑凝紫靜雲等亭○靈隱觀宋寧宗時中貴張氏剏御書冲隱庵淳祐中道士范善遷重建賜名今額庵在觀右而觀改仁壽矣○太清宮寧宗時朱靈寶守固建楊太后書道德經刻石幢有歲寒軒養性凝神堂後為賈貴妃功德寺○冰壑書堂宋樞密金淵號冰壑築室于此因莖焉積慶永清二山在後平鼎山在左湖山在前凡錢唐城邑江湖之勝近在几席乃南北二峰中之最高山也有君十天一二泉理宗御書積慶山怡顏藏書農圃以賜又賜

寺額曰積慶教忠不及建而止○贊寧塔贊寧高氏德清人出家杭州祥符寺著述毘尼時人謂之律虎錢武肅王禮重之宋興國初召對滋福殿詔脩高僧傳三十卷卒諡圓明葬龍井○梅坡園楊太后宅業在顯慶寺西董嗣杲詩云園丁自飽栽花利月入楊家得幾何者是也又西為大麥嶺其傍為花家山

大小麥嶺當南北兩山之界又西北過僊芝嶺出九里松大麥嶺有蘇軾王瑜題名

花家山一名蛇山瀕湖而登為茅家埠仇仁近詩

閒循石澗列雲扉樹影生涼怯
芊衣靜碧軒窻聊寄傲軟紅塵
土竟忘歸滿傾竹葉春霞滑輕
摘蕉花曉露稀禪意法乘俱莫
問且談舊事共依依

嶺畔舊有法空寺資聖院盧園淨安院崇真宮淨嚴院隆興庵水陸庵妙心寺並廢
○法空寺舊名資慶○資聖院為濮王墳○盧園宋內侍盧允升小墅景物奇秀有池文石甃砌水冽而深異魚種集西湖十景所謂花港觀魚即此地也
○淨安院宋內侍董宋臣香火院○崇真宮

為女冠後改永淨尼寺○淨嚴院內侍董永仲香火院○隆興庵楊府解院○水陸庵亦楊府解院又名慶安院

自永福橋折而西北為靈石山元道士張伯雨墓明尚書徐公墓

靈石山亦名積慶山林有景光蜿蜒扶輿

狀若異物山畔有平石清泉馬鞍延壽等山靈

石之麓舊有吳越太尉薛公墓今廢薛公居正

仕武肅王家前生紫藤遍遠三峰其二世孫昂

仕宋為尚書左丞人謂之瑞應也墓側有

白蛇巖崑崙巖

張伯雨墓伯雨名天爵字正人號居貞子又號句
曲外史宋崇國文忠公九成之後年二十棄家
遊天台括蒼諸名山晚入開元宮從真人王壽
衍爲道士風裁凝峻見者異之上書能詩文更
奇古與吳興趙孟頫浦城楊載蜀郡虞集豫章
揭傒斯清江范梈金華黃潛友善嘗屏居修茅
山誌墓近王鈞橋伯雨賣王鈞所建也墓久頽
廢成化間嘉興姚公綬葺之旣爲立傳復爲之
銘曰嗚呼此句曲外史居貞先生張公墓也南

屏之右西湖之陽梁題玉鈞澗渡靈石路披篠
樹塢帶烟霞石室藏書碑文紀事其形雖逝其
神則存翰墨在人文章垂世儼然生氣之張皇
警歎無聲周旋滅影穆若太虛而示寂開元精
舍久無繼續之賢句曲居貞全乏訪求之彥遂
使墓門荒翳垂趾崩奔松栢摧為薪莫設時樵
之禁身世是何物曾罹夜客之侵痛茲劍躍雷
津慨爾硯雍玉匣旣往何咎將來可圖曠世而
默契予心尚友而景行前哲

尚書徐公墓公名琦字良玉錢唐人宣德初以左

通政使安南黎利餽金珠香繒甚厚琦悉却之
少師楊士奇畫梅題詩贈之云兩度安南奉使
來玉葩曾見嶺頭梅天朝使者清于玉不帶飛
塵半點回

山畔舊有靈石寺宗德顯慶院宗因報德院並廢
○靈石寺在樓真院之上○宗德顯慶院舊名
樓真樞密使章綮建有墓在焉元祐中僧善本
居之號大通禪師示寂名定光塔後為永王所
王殞所○宗因報德院在鷓鴣峰側有靈石泉
又名歲寒泉高宗嘗臨幸焉與積慶山永清院

皆開府薛居正功德後院廢而靈石泉猶存
又西北為鷄籠山風篁嶺一片雲石楊梅塢獅子峰
延恩衍慶講寺龍井神運石

風篁嶺多蒼筤篠蕩風韻淒清至此林壑深沉迥
出塵表流淙活活自龍井而下四時不絕嶺故
叢薄荒密元豐中僧辨才浚治潔楚名曰風篁
蘇子瞻訪辨才龍井送至嶺上左右驚曰遠公
過虎溪矣辨才笑曰杜子有云與子成二老來
往亦風流遂作亭嶺上名曰過溪亦曰二老子
瞻紀之詩云日月轉雙轂古今同一丘惟此鶴

骨老凜然不知秋。去住兩無礙。人士爭挽留。去
如龍出水。雷雨捲潭秋。來如珠還浦。魚鼈爭駢
頭。此生暫寄寓。常恐名實浮。我比陶令媿。師爲
遠公優。送我過虎溪。溪水當逆流。聊使此山人
未記二老遊。大千在掌握。寧有別離憂。○張仲
舉陪劉時中遊風篁嶺詩。山行貴徜徉。緩轡不
可驅。天竺已幽阻。風篁更盤紆。前瞻乳竇峰。錯
立石笋株。洩雲相虧蔽。蒼翠變態殊。層梯俯山
巔。中豁見西湖。晴旻散遠鴈。秋色連平蕪。陰厓
湛坳泓。直下龍所都。森突人上慄。雷水土斯須。

泉流驟活活。魚出閑于于。飛霜未着樹。綠陰尚
紛敷。茲晨正佳節。况得暄暖扶。雙亭俯澗谷。列
坐陳酒壺。松風吹桂華。香韻世所無。奉常老博
士。幾載賜茱萸。歸來北山南。同此寂寞娛。我友
二三子。文采珊瑚珠。懽然隨所適。形蹟安能拘。
窮探忘前期。欲罷重踟躕。浮嵐收不上。屐底青
糝糊。炊烟忽生暝。落日棲啼鳥。終當借上方雲
卧。蘿月孤分盡。茲遊興與君爲後圖。

嶺下沙盆塢。宋有陳剛中墓。今廢。剛中福州閩清
人。建炎初任太府寺丞。上卦事議恢復。忤秦檜

遂與張九成等七人同謫其詩云同日七人俱
去國何時萬里許還家尋謫知安遠卒歸葬於
此


一片雲石在風篁嶺上高可丈許青潤玲瓏巧若
鏤刻松磴盤屈草莽間有石洞堆砌工緻巉巖
可賞

楊梅塢近瑞峰塢宋時有金嫗者所栽楊梅盛美
因以起名蘇子瞻答參寥惠楊梅詩新居未換
一根椽只有楊梅不直錢矣共金家鬪甘苦參
寥不是老婆禪蓋謂此也至今其地楊梅異於

他產

獅子峰高出群岫可瞰江滸北望天竺諸峰疊秀
如畫楊廉夫獅子峰觀潮詩海國梅清瘴雨收
胡床高踞碧獅頭三韓水接天無盡百越山窮
地欲浮樓閣剛風吹碧蜃旌旗落日照紅鯁行
人莫問駢潮事潮落山西淺十洲○獅子擎雲
涌翠巒我來親拂頂花看隨潮月上樓臺濕度
海雲生鐘磬寒蓬島未應三萬隔桑田今有幾
回乾大千不究恒沙界細問彌天釋道安
延恩衍慶寺俗稱龍井寺唐乾祐二年居民凌霄

募緣建為報國看經院宋熙寧中改壽聖院蘇
 子瞻書額紹興三十一年改廣福院淳祐六年
 改是額元豐二年辨本禪師自天竺歸老于此
 不復出入與蘇子瞻相聞道友善後人因建三
 賢祠祀之有歸隱橋方圓庵寂室照閣閒堂訥
 齋潮音堂滌心沼薩埵石冲泉諸天閣諸勝元
 祐以來名賢留題甚多東坡竹石廉宣仲枯木
 楊次公詩十三首風篁嶺云微風搖琅玕蕭瑟
 嶺一道萬筵掃晴空纖塵不可到○龍井云崖
 下一泓泉窈奧不可測有時靈氣生散作人間



澤○歸隱橋云道人從此歸影不入塵市端坐
 笑浮雲往來太多事○滌心沼云縱有狂風生
 未嘗險浪起何當招世人來此鑒清泚○獅子
 峯云巖風壯威猛晴雷隱哮吼無心露爪牙百
 獸自奔走○薩埵石云解虎錫常聞飼虎石長
 在忘軀度有情清風幾千載○潮音堂云潮來
 音普聞潮平音亦歇孰若此山堂潮音未嘗絕
 ○訥齋云天道竟何言四序自流轉那知毘耶
 翁雖然真大辯○冲泉云不汲泉不盈愈汲泉
 愈清湛然有常德隨氣利羣生○寂室云白雲

隔塵喧。虛堂太岑寂。寒盡春自來。鶯啼報消息。
○照閣云。幽人無造莫乘興。登高閣。夜月鎖寒
林。春花繡嚴壑。○開堂云。趙公歸休年。訪師翠
微間。始知浮世上。白日兩人閒。○方圓庵云。地
方不中矩。天圓不中規。方圓庵裏叟。高趣有誰
知。○秦少遊遊龍井寺記。元豐三年秋後一日。
余自吳興道杭。東還會稽。龍井有辯才大師。以
書邀余入山。比出郭。日已夕。航湖至晉寧。遇道
人參寥。問龍井所遺。藍輿則日以不時至。去矣。
是夕。天宇開霽。林間月明。可數毫髮。遂棄舟從。

參寥策杖並湖而行。出雷峰。度南屏。濯足于惠
因澗。入靈石塢。得支逕。上風篁嶺。憇于龍井亭。
酌泉據石而飲之。自普寧。凡經佛寺十五。皆寂
不聞人聲。道旁廬舍。或燈火隱顯。草木深鬱。流
水激激。悲鳴殆非人間之境。行二鼓。始至壽聖
院。謁辯才於潮音堂。明日而還。

龍井本名龍泓。吳赤烏中。葛稚川煉丹於此。林樾
幽古。石鑑平開。寒翠甘滌。深不可測。䟽澗流淙
泠泠然。不舍晝夜。閒花寂草。延緣其傍。或隱或
見。蒼山圍繞。杳非人間。時聞鳥韻。樵歌響答。虛

谷井中相傳有龍居焉。禱雨多應。或見小蟹斑魚。蜥蜴之類。上覆以樓。爲惠濟龍王祠。水經飲馬橋合黃泥嶺。東出茅家埠入湖。秦少游龍井記畧云。龍井當西湖之西。浙江之北。鳳篁嶺之上。深山亂石之間。西湖深靚。空澗納光景。而涵烟霏。菱芡荷花之所附麗。龜魚鳥虫之所依憑。漫衍而不迫。紆餘以成文。陰晴之中。各有奇態。故所湖之山。多爲所誘。而不克以爲泉。浙江介于吳越之間。一晝一夜。濤頭自海而上者。再疾擊而遠馳。兇虎駭而風雨怒。遇者摧當者壞。乘

高而望之。使人毛髮盡立。心掉而不禁。故所江之山。多爲所脅。而不暇以爲泉。惟此地盤幽而宅阻。內無靡麗之誘。以散越其精。外無豪悍之脇。以虧踈其氣。故嶺之左右。太率多泉。龍井其尤者也。夫蓄之深。發之遠。其養也不苟。則其施也無窮。龍井之德。蓋有至於道者。其爲神物之託也宜哉。○虞伯生次鄧文原遊龍井詩。杖藜入南山。却立賞奇秀。所懷王局翁。來往約履舊。空餘松在澗。仍作琴筑奏。徘徊龍井上。雲氣起晴晝。入門避霑灑。脫屐亂苔甃。陽岡扣雲石。陰

房絕遺構澄公愛客至取水挹幽竇坐我蔭
中餘香不聞嗅但見瓢中清翠影落羣岫烹煎
黃金芽不取穀雨後同來二三子三咽不忍漱
講堂集羣彥千磴坐吟究浪浪雜飛雨沉沉度
清漏令我懷幼學胡爲裹章綬○姚公綬詩龍
井泉頭與客過計程遠度石崖峩萊畦麥隴連
山麓僧寺人家各澗阿泱泱暗流霜葉亂斑斑
飛雉夕陽多品嘗顧渚風斯下零落茶經柰爾
何○孫太初飲龍井詩眼底閒雲亂不開偶隨
麋鹿入雲來平生於物元無取消受山中水一

盃

神運石高可六尺許竒恠兀突特立簷下有木香
一架穿繞竅竇宛若蛇蟠 皇明正統十三年
中貴李德駐龍井屬旱令力士淘之初得鐵牌
二十面玉佛一枚金銀各一錠鑿大宋元豐年
號次得茲石以八十人搜出之上有神運二字
傍多款識漉漫不可讀不知何代所鑄也繼得
鐵牌十五面銀二條上鑿吳赤烏年號蓋皆投
龍以祈雨者其日黑雲四匝泉頭洶湧德懼而
止疏其傍池三日插劍曰浣花日浴麟德交趾

人幼警悟讀書一目下數行洪武間黎王以獻
高王喜之昵侍左右歷事五朝頗著勞績鎮守
兩浙卒勅葬於風篁嶺下

嶺畔舊有崇恩演福寺辯才塔無垢院淨林廣福
院顯應廟金廢○崇恩演福寺俗稱南天竺隋
開皇中有法師真觀居之雅操高潔骨格存焉
側有靈石鳩丫髻峰僊人基臺今沙井面金鐘
腋龍井景趣幽清聽眺俱爽自此過嶺值中天
竺乾道間有道士四人來寺乞食時午齋已罷
拒不與道士索筆題椽間云南塢數回泉石西

峰幾疊烟雲登攜孰與爲侶顏寓李甲蕭耘人
以爲首句藏呂字次洞字次賓字末乃同行三
人也書法類李北海咸淳間賜田五千畝元初
名僧清古源澤雲夢等壘主之號稱教海有白
蓮院夕佳樓張伯雨夕佳樓詩西山朝氣爽南
山夕氣佳朝爽人共忻夕佳吾所懷山僧閱世
久結廬深避乖蕙樓將對峙齒閣亦雙排維南
列崇阜不受烟嵐霾我亦遲暮人心迹倦鳥借
茲焉記高躅庶與靜者諧○徐一夔訪玘法師
宿夕佳樓詩寓縣俄多難湖山亦被兵名藍俱

泯滅別構獨崢嶸翰墨看前輩登臨愧後生嚴
城圍列嶂半鑑出澄泓直篠侵簷上織蘿附牖
榮倚蘭雲鳥度極目鏡天平日夕景逾好秋高
思轉清殘陽樹間沒薄靄水邊橫紫翠霏微合
丹鉛點染成茅津有漁唱麥嶺少人行暝色松
門動寒飈竹舉鳴疎鐘度餘響遠火露青熒僊
梵微微出鑪烟裊裊輕山盤撲露寶石鼎泛雲
英洗濯塵凡淨歸依誓願精行當陪竺士聽法
破無明○辨才塔在演福院內蘇子由銘云如
來昔在世心禪語爲教譬如四大海惟是一濕

性性於濕性中變化千萬億風來爲濤瀾風去
爲湛然負龍所遊戲鬼神所出沒船筏借其力
網罟取其利其上爲洲渚諸國所生育其下爲
淵谷百怪所藏伏東西出日月上下屬河漢觀
者不能了睥眄何暇說如來知迷悶隨變爲解
釋因變所說者是則名爲教彼善聞教人當知
是幻爾旣已知是幻則當識其實我觀世教師
皆謂教是實由謂教實故則爲禪所訶禪雖訶
乎教終以教致禪禪若不取教是杜所入門教
而不知禪是不識家也辯才真法師於教得禪

那口舌如翻瀾而不失道根性湛如止水得風
輒燦然心是於東西普福禪教師士女常奔走
金帛常圍繞師惟不取故物來不能拒道成盡
有數西方一瞬息西方亦非實要有無實處○
無垢院乃無着禪師道場也舊在石人嶺慶元
中韓平原爲生墳遂移寺於此嘉定間重建有
清音軒茯苓泉與廣福院俱併爲廣福寺○淨
林廣福院開府楊慶庵祖墳上人呼上楊庵有
松關南泉桂芳亭姜白石與恬朴翁等來遊詩
四人松下共盤桓筆硯化壺石上安今昔興懷

同此味老僊留字在孱顏內有噴月泉僧錄泉
在暗竹園下○顯應廟宋時以祀郡守胡公則
仕當真宗仁宗朝再牧杭州有惠政退老西湖
深尊雅絃左子右孫日與交親歌笑輿論重之
寶元初天子特命其長子楷通守杭州以便養
卒葬於此數見靈異遂立廟祀之

嶺北爲碁盤山

山頂有方石舊傳丹砂爲局子分黑白今已湮漫
登其巔則江湖之勝皆可環眺矣

龍井之上爲老龍菴

老龍井有水一泓寒碧異常泱泱叢薄間幽僻清
與香出塵寰岫壑縈迴西湖已不可復覩矣其
地產茶爲兩山絕品郡志稱寶雲香林白雲諸
茶乃在靈竺葛嶺之間未若龍井之清馥雋永
也再上爲天門可通靈竺徑術崎嶇草樹蒼鬱
人烟曠絕幽悄不禁

龍井之南爲九溪其西爲十八澗

九溪在烟霞嶺西南路通徐村水出江干北達龍
井張光弼詩春山縹緲白雲低萬壑爭流下九
溪擬遡落花尋曲徑桃源無路草萋萋

十八澗在龍井之西路通六和塔

十八縣五嶺共之西嶺每六峰

西湖遊覽志第五卷

錢唐田 汝成 輯撰

南山勝蹟

自南屏山而南過錢糧司嶺折而西為廣澤禪寺甘露泉

錢糧司嶺吳越王建司於此以徵山課嶺側有龍毋池乾溪水

廣澤禪寺舊名甘露晉天福六年吳越王建有泉一泓其澄可深若甘露然故以名寺宋治平二年改額廣澤 國初燬天順八年重建

吸